



Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. III. Quæ fuerint Pelagianorum & Semipelagianorum motiva præcipua,
ad fingendam in Deo talem præscientiam, ac excludendum decretum de
se efficax, & humanas præveniens voluntates?

[urn:nbn:de:hbz:466:1-77232](#)

errores, præcipue vero illum quô afferebant Deum homines ad gratiam & gloriam eligere ex prævisione meritorum. Quare Prosper initio prædictæ epistolæ, Semipelagianorum doctrinam referens: *Hoc (inquit) ipsorum definitio ac professio est, omnem quidem hominem in Adam peccasse, & neminem per opera sua, sed per Dei gratiam regeneratione salvari.* Qui autem credituri sunt, quive in ea fide, que deinceps per Dei gratiam sit invanda, mansuri sunt, præcise ante mundi constitutionem Deum, & eos prædestinasse in regnum suum, quos gratis vocatos, dignos futurâ electione, & de hac vita bono fine excessuros esse præsicerit. Et rursus in fine ejusdem epistolæ. *Penè omnium pars inventitur & una scientia, quâ propositum & prædestinationem Dei secundum præscientiam receperunt; ut ob hoc Deus alios vasa honoris, alios contumelias fecerit, quia finem uniuscuiusque previdet, & sub ipso gratiae adjutorio, in qua futurus esset voluntate & actione præsicerit.* Quibus verbis aperite declarat, Semipelagianos unanimiter docuisse, divinam prædestinationem ejus præscientie esse innixam, & Deum neminem prædestinare, nisi suppositâ præscientiâ, quâ prævidet, quid faciet voluntas creata, sub ipso gratiae adjutorio constituta, & ad quid divinum auxilium & concursum determinabit, quod certè est ipissima scientia media. Unde idem Prosper in eadem epistola petet ab Augustino circa hanc difficultatem edoceri, & ab illo querit, *Vtrum præscientia Dei, ita secundum propositum maneat, ut ea ipsa quae sunt proposita, sint accipienda prescrita?* Et rursus illum interrogat, *An per præscientiam possit stare propositum? An vero præscientia quodam ordine sit subnixa proposito Dei?* Id est, an præscientia futurorum antecedat divinam voluntatis decretum, & sit ab illo independens? An vero ipsum supponat, ei que innaturatur, ac in eo fundetur?

10. Denique hanc futurorum conditionatorum præscientiam, à decreto independentem, cōque anteriorem, quam Recentiores vocant *scientiam medium*, apud Semipelagianos fuisse familiarem, constat ex Fausto Regiensi, eorum duce & Antesignano: ille enim libro 2. de gratia & libero arbitrio cap. 2. docet magis de origine voluntatis humanae Dei præscientiam derivari, quam opera & voluntates hominum de nutu & impulsu providentiae cœlestis incipere, & ait: *Prædestinationem Dei male intelligentes astruentes quidam humanorum actuum causa nascatur.* Et cap. 3. post quædam verba, in quibus docet præscientiam futuri consensu prædestinationem præcedere, concludit: *Et sic, NISI PRÆSCIENTIA EXPLORAVERIT, prædestinationem nihil decernit.* Quod etiam repetit cap. 6. & 7. ejusdem libri.

11. Respondent aliqui ex Adversariis, Semipelagianos quorum si mentio in Epistolis Prospere & Hilarij, locutos esse de præscientia absoluta, non conditionata futurorum, subindeque eos, locis citatis, non agnoscisse scientiam medium, cum illa non sit futurorum absolutorum, sed conditionatorum tantum præscientia, independens à decreto, cōque anterior.

12. Sed contra, Semipelagiani locis citatis dicebant, Deum habere præscientiam bonorum vel malorum operum, quæ in adulta ætate patratur erant parvuli illi, qui ante eandem ætatem præmaturâ morte rapiuntur. Sed evidens est, illorum operum præscientiam non esse absolutam, sed tantum conditionatam, cum implicet contradic-

A ctionem merita vel demerita esse absolute futura, ætate adulta, ad quam illi parvuli supponuntur nunquam perventuri; alioquin quod nunquam erit, nec in rerum natura ponetur, posset dici infallibiliter & absoluē futurum; quod absurdissimum est, & à communī sensu penitus alienum. Ergo Semipelagiani locis citatis admittebant in Deo præscientiam futurorum conditionatorum, independentem à decreto, quæ est ipsa scientia media. Idque fateri tandem cogit P. Annatus disp. 4. num. 24. ubi ait: Massilienses admisisse præscientiam conditionatam, & ad illam recurrisse, quando absolutam prætexere non poterant. Consentit Suarez Tract. de prædest. cap. 5. num. 5. ubi etiam fatetur, Semipelagianos tribuisse B Deo illam scientiam conditionatam de futuris actibus liberis, ante omne decretum Dei. Subdit tamen, eos in hoc non errasse, sed solum in eo quod male illa usi fuerint; & Augustinum illam non reprobasse quantum ad substantiam, sed solum quantum ad abusum, & modum illum erroneum quō ponebatur à Massiliensibus: quatenus scilicet per illam dicebant exhiberi Deo idonea motiva prædestinationis, & vocationis ad gratiam, quod examinabimus & discutiemus art. 4. Hic solum prætendimus, & assertimus, scientiam medium non esse novam, nec à Recentioribus excogitatum, immoritóque Molinam & Fonsecam de ejus inventione gloriari, sed antiquissimam, & pervetustam, olimque Pelagianis & Se. C mipelagianis familiarem, & ex infasto Fausti ingenio, ut alteram Minervam ex Jovis cerebro progenitam; cum haec sit perpetua hujus Hæretici vox: *Nisi præscientia exploraverit, prædestinationem nihil decernit.*

ARTICVLVS III.

Quæ fuerint Pelagianorum & Semipelagianorum motiva præcipua, ad fingendam in Deo talen præscientiam, ac excludendum decretum de se efficax, & humanas prævenientes voluntates?

D Icet varia ad hoc fuerint illorum Hæretico-rum motiva, quæ fusæ experdemus in Tra- Dipt. 5. statu de voluntate Dei; illa tamen ad tria præci- art. 4. \$.
pua revocari possunt, quæ tangit D. Prosper in carmine de ingratis, versu medium, ubi incipiens respondere argumentis Semipelagianorum, eorumque querelas propulsare, habet hos versus.

*Hic vanam insano profertis corde querelam,
Omne opus arbitrii sublatum vociferantes,
Currere currente, si non & velle volentum est.
Nec virtus pœnam debet, aut premia laudi,
Si vel naturam obstriccam, mala velle necesse est,
Vel nostro ascribi nequeunt bene gesta labori.
Nunquid non eadem sapient, eademque perorant,
Vestri illi quorum ruclatis verba magistris?*

Prima igitur ac præcipua Pelagianorum & Semipelagianorum querela, erat de lassione libertatis, quam exsiftimabant tolli, si divinum decretum humanas præveniret voluntates, ut colligitur ex D. Prospero in epistola ad Augustinum, ubi referens doctrinam & placita Massiliensium, sic ait: *Removeri itaque omnem industriam, tollique virtutes dicunt, si Dei constitutio (hoc est decretum) humanas præveniat voluntates; & sub hoc prædestinationis nomine, fatalem necessitatem induit &c.* Ex

Ex quibus verbis aperte constat, illos existimasse, quod si divinum decretum humanas præveniret voluntates, libertas arbitrij nostri tolleretur; ac proinde quod illa aliter salvari & conciliari non poterat, quam admittendo præscientiam futurorum à decreto independentem, eoque anteriorem, que est scientia media.

14. Nec valet si dicas cum P. Annato disp. 4. num. 24. quod Massilienses pugnabant, non pro quacunque libertate hominum, sed pro illa que sibi sufficeret independenter à Dei auxilio ad dandam causam divinæ constitutionis decernentes gratiam, & gloriam post finalem exitum, nec non gratiam predicationis Evangelij. Non valet inquam: Tum quia ostendemus in Tractatu de Hæresi Pelagiana, Pelagianos omnia possibilis auxilia admisisse, uno excluso volitionis & operationis auxilio, quod calumniabant removeri omnem industrias, tollique virtutes, & fatalem induci necessitatem. Tum etiam, quia D. Prosper, Massilienses ab hujusmodi calumniis aperte vindicat. Quid enim expressius, quam quod de illis scribit D. Augustino, sub finem Epistola sepius citatae: *Pene omnium par inventur & una sententia, quā prædictum & prædestinationem Dei, secundum præscientiam receperunt, ut ob hoc Deus alios vafa honoris, alios contumelie fecerit, quia finem uniuscuiusque præviderit, & sibi ipso gratia adiutorio, in qua suurus effet voluntate & actione præsicerit.* Ergo falsissimum est quod P. Annatus imponit Semipelagianis, ipsos astruere, non quamcumque libertatem hominum, sed que sufficeret independenter à Dei auxilio, ad dandam causam divinae constitutionis, decernentes gloriam post finalem exitum: cùm D. Prosper expressè dicat, sub ipso Dei adiutorio, unā & pari sententiā præscitos dedisse occasionem proposito & prædestinationi Dei.

15. Nec verius est, juxta illos, decretam hominibus gratiam prædicationis, ex libertate que ad id sufficeret independenter à Dei auxilio, cùm idem Prosper initio ejusdem Epistola, eorum sententiam referens, dicat: *Qui autem credituri sunt, quive in ea fide que deinceps per Dei gratiam sit iuvanda, mansuri sunt, præcise ante mundi constitutionem Deum, & eos prædestinare in Regnum suum, quos GRATIS VOCATOS, dignos futurā electione, de hac vita bono fine excessuros esse præviderit.* Si gratis vocati sunt ex D. Prospero, quod animō, quā fiducia, & quā specie veri assirerit, illis decretam esse prædicationem quā vocantur, à libertate que sibi sufficeret independenter à Dei auxilio?

16. Secundum Pelagianorum & Semipelagianorum motivum, ex inutilitate increpationis & correctionis sumebatur: dicebant enim, quod si ad bene operandum necessaria esset gratia efficax, dans velle & operari, ex decreto Dei efficaci, & nostras voluntates præveniente, descendens; frustra fierent increpationes & correctiones, & iniquū unus argueretur & increparetur exemplo alterius, ut colligatur ex Augustino toto libro de correptione & gratia, quem (ut ipse ait libro 2. retract. cap. 66.) scripsit, ut illi injunctae querimonie responderet, quia nūniatum illud erat, dixisse quemdam, neminem corripiendum, si Dei precepta non facit, sed pro illo ut faciat tantummodo orandum. Unde cap. 4. prædicti libri de corrept. & gratia, quendam ex Monachis Adrumetinis, sic loquentem inducit; *Quomodo meo vitio non habetur quod non accepi ab illo,*

Tom. I.

A quo nisi detur, non est omnino alius unde tale actione munus habeatur? Et rursus: *Precipe mihi quid faciam, & si fecero, age pro me gratias Deo, qui mihi ut facerem dedit. Si autem non fecero, non ego corripiendum sum, sed ille orandus est, ut det quod non dedit, id est ipsam quā precepta ejus sunt, fidelem Dei & proximi charitatem. Ora ergo pro me, ut hanc accipiam, & per hanc ex animo cum bona voluntate, que precipit, faciam. Reclite autem corriperer, si eam meā culpā non habeam, hoc est si eam possem mihi dare vel sumere ipse, nec facerem; vel si dante illo accipere nolimur. Cū ergo & ipsa voluntas a Domino preparatur, cur me corripis? quia vides me ejus præcepta servare nolle; & non potius ipsum rogas, ut in me operetur & velle?* Et iterum cap. 6. eandem Monachorum illorum repetit objectionem & querimoniam, quasi nimis molestam & importunam: *Hanc (inquit) charitatem non accipimus, quid itaque corripimur, quasi nos eam nobis dare possumus, & nostro arbitrio dare nolimus?* Quod est dicere, quare corripimur, cūm Dei decretum, ac illius gratia, nostras præveniat voluntates, & non sit in potestate nostra, nec subjiciatur nostro libero arbitrio?

C Eandem fuisse Semipelagianorum querimoniam constat ex eodem Augustino de bono perseverantiae cap. 15. ubi alloquens Prosperum & Hilarium, eorumque Epistolis respondens, hæc habet: *Aiunt, ut scribis, neminem posse correptionis stimulis excitari, si dicatur in conventu Ecclesie, audientibus mulieribus. Ita se habet de prædestinatione definita sententia voluntatis Dei, ut alii ex vobis de infidelitate, acceptâ obediendi voluntate, veneritis ad fidem, vel acceptâ perseverantiae maneat in fide; ceteri vero qui in peccatorum delectatione remorantur, ideo nondum surrexistis; quia necdum vos adiutorium gratia misericordis erexit. Item apud Hilarium in Epistola ad Augustinum, sic Massilienses loquuntur: Si sic prædestinati sunt ad utramque partem, ut de aliis ad alios nullus possit accedere, quō pertinet tanta extrinsecus correctionis instantia?*

D Tertium argumentum quod utebantur ad rejeciendum decretum de se efficax, & humanas prævenientes voluntates, tertiumque illorum motivum, ad fingendam in Deo præscientiam futurorum, à tali decreto independentem, eoque anteriorem, erat quia ex tali decreto dicebant sequi quod Deus esset author & causa peccati: ut patet ex S. Prospero ad capitula objectionum Vincentianarum, sic enim dicunt objectiones 5. *Quod peccatorum nostrorum author sit Deus, eo quod malam voluntatem faciat hominum.* Idem repeatunt sub aliis terminis objectione 10. Et in versibus suprà relatis, quibus S. Prosper Semipelagianorum querimonias & objectiones expavit, eadem querela profertur, hocverbi: *Si vel naturam obstrictam, mala velle necesse sit.* Eodem arguento utebantur Pelagi & Julianus, ad probandum non dati peccatum originale, consequens ad generationem humanam; quia cum Deus sit causa talis generationis, effet etiam causa peccati. Cui arguento responderet sanctus Augustinus libro tertio contra eundem Julianum capite nono.

17.

18.